

隨州志卷十一

墓域

坊表附

適隴思敬人有恆情乃歷年久遠遺失已多幸而殘碣猶存姓氏可考什僅一二表而出之庶觀乎九京者不致有冥漠君之嘆也

隨侯墓在西北九十里石門之南塚高二丈許舊傳為隨侯塚見德安府志

隨大夫季梁墓在城東三里季家灣俗稱賢人墓

蔡昭墓在光化鎮昭後漢時人天下碑錄載蔡昭碑在隨

隨州志

卷十六

墓域

州光化縣今失

宋征西將軍宗懋墓在玉波門內宗駕嶺乾隆十三年居民鋤地得斷碑僅存一懋字餘皆剝落知州王雲翔為立於墓前旋失去二十八年知州李閻稜復立石刻宗懋墓三字道光三十年知州金雲門即墓為垣咸豐十一年毀

梁隨郡太守劉道成墓在城南三里望城岡乾隆五十三年墓因雨損居民於土中得古甃上刻梁天監四年歲次乙酉本郡太守劉道成之墓道成之名不見於史傳

知古官師之失載者多矣

唐紫陽先生胡公塔在光化鎮李白塔銘稱天寶二年十月葬於郭東新松山太平寰宇記稱在廢光化縣今失安養公墓在唐縣鎮南乾隆五十四年五月土岡崩陷成穴穴內有石牆石門有人秉燭入視見三門並列石質堅緻牢不可啟上有聖書安養公三大字牆上刻鏤工細旁又有一門皆碎磚填砌知爲古塚急出而封其穴究不知爲何人墓也考安養隋唐襄州所屬縣今按虞世基所撰姚公墓誌銘序云隋故左屯衛大將軍左光

隨州志

卷十六

墓域

二

光祿大夫姚公諱辯字思辯武威人也周保定六年從定相州以前後功授大都督封安養縣開國子隋開皇元年授上開府儀同三司進爵爲公大業七年薨贈左光祿大夫謚曰恭公此外無受封安養者存之以備參考

明工部侍郎陳壽墓在州東三十里

贈太傅建極殿大學士何宗彥墓在州東五十里馬平港其地已入應山天啟中副使李佺臺題準孫振崇人應

山縣學爲守塋生員

見舊志

車孺人墓在北門外花果園墓有碑稱隨州司訓任空一字

之妻貴州思南府印江縣人崇正七年客葬於此有子

大本大敬書之以俟其子孫之來訪者

工部侍郎賈泓墓在州西百里黃家集相傳冬官坟

西安提督閣凝兆墓在石門鋪駱家塚

四川參將閣之奇墓在石門鋪駱家塚

監察御史閣勝先墓在石門鋪南王家灣

池州通判蕭鸞翔墓在紫石鋪街北

文昌縣知縣羅奇墓在浙河羅家井

隨州志 卷十六 墓域 三

都結州知州王玉墓在王家台上官墳坡

貴州巡撫高翀墓在州西南徐家祠東與劉淑人合塚

安陸縣志謂在郡西四十里橫山下誤

贈少傅何公思泉墓在城南三十里何家店

參將宋之彥墓在州東北四十里德光寺後

大足縣知縣劉宗武墓

浙江兵巡道劉延漢墓

長甯縣知縣劉光漢墓

餘杭縣知縣劉紹漢墓

河南督糧道劉恢漢墓均在接水湖

永平府同知華崇墓在城東十里蔣家岡北

兵部侍郎銜王一本墓在新城城隍廟後

國朝

鄉賢周宗成墓在州西百里聖殿八柯松

汝甯府知府梁肯與墓在西北八里十堰坑

朱奇生墓在浙河西二里

羅世材墓在紅土崖

德安守備陞陝西都司張奇士墓在州南三十里磁巴岡

隨州志

卷十六 墓域

四

南坑外山

許公子墓在府君山下大寺北里許

按公子名從忠號崇仁為康熙時德安知府許廷試號可菴之子墳前碑誌刻缺殊難卒讀叙及公子已聘未娶之婦胥貞女過門守節奉舅姑後太守移守宛陵胥女卒康熙四十二年癸未從宛陵移柩合葬於此巡撫某誌其碑

胡烈女墓在州西鄉桂花園坑下

周烈女墓在安居鎮東路旁李大姑墓在北門外里許

漏澤園四

一在城南里許

一在城東祖師廟前

一在城東八角樓後

一在城北打鐵店北

義犬塚在州東一百八十里昔光武被兵甚急一犬引入

土窖跑土封之力盡而斃光武得脫乃瘞故名

坊表附

澄清宣化二坊在舊憲司前明宣德六年判官武襄立今

廢

報珠坊在州治前今廢

隨州志

卷十六

坊表附

五

鍾英坊在南門內明景泰八年知州程亨為舉人宗文立

今廢

旌節坊在太平街乾隆十三年知州王雲翔為監生黃佳

璧妻梁氏立

旌節坊在太平街乾隆十四年知州許聯奎為黃佳琳妻

沈氏立

旌節坊在玉石街乾隆十三年知州王雲翔為監生王之

翰妻馮氏立

儒林坊在城東儒學前明天順四年知州程亨立今廢

攀龍坊在儒學街東明成化十三年知州伍希閔爲舉人  
宗彝立今廢

附鳳坊在儒學街西明成化十三年知州伍希閔爲舉人  
章冕立今廢

登瀛坊在南門外明正統六年知州高昇爲舉人吳旻立  
今廢

世美坊在南門外明景泰元年知州尤忠爲舉人童壽立  
今廢

紹芳坊在南門外明景泰元年知州尤忠爲舉人章貞立

隨州志

卷十六 坊表附

六

今廢

攀桂坊在南門外明景泰四年知州呂華爲舉人楊名立  
今廢

奎璧坊在南門外明景泰四年知州呂華爲舉人楊亨立  
今廢

解元坊在南門外明成化八年知州呂穉爲舉人章爵立  
今廢

貞節坊在南門外明成化十二年判官孫益爲朱昱妻劉  
氏立今廢

旌節坊在襟漢樓外乾隆九年知州黃鵬爲戴履程妻張氏立

旌節坊在漢東門內乾隆三十三年知州莫溥爲張士學妻劉氏立

旌節坊在漢東門內乾隆四十五年知州胡觀瀾爲熊士鳳妻張氏立

湏川坊在南關外

舜子巷坊在州南

均川坊在州南今並廢

隨州志

卷十六

坊表附

七

旌節坊在厲山店乾隆三十二年知州紀淑曾爲劉士義妻李氏立

節烈坊在沈家畷乾隆四十年知州方天葆爲烈婦陳其林妻袁氏立

明太傅何文毅公神道碑在州南十五里望城岡

國朝光祿大夫羅應奎神道碑在州西還潭鎮

百歲坊在城北一百二十里天河口同治三年知州潘亮功爲道銜陳昌齡之母劉恭人立

貞節總坊在漢東門內道光二十三年知州呂錫齡爲節

婦彭羅氏以下二百餘名立

節孝坊在城南五十里雲潭舖嘉慶十四年爲生員匡學山之母張氏與其姑母王匡氏立

節孝坊在襟漢樓外爲黃甲士之妻詹氏立

節烈坊在城東二十里話園爲沈尹之妻徐氏立

節孝坊在城西八十里澗潭道光二十九年知州金雲門爲生員黎戴德之妻鄒氏立

節孝坊在城西關道光二十二年知州呂錫齡爲蘇翔之妻羅氏立

隨州志

卷十六

坊表附

八

節孝坊在澗潭道光二十七年知州勞光泰爲奉直大夫黎樹德之妻任氏立

